



SAOPŠTENJE ZA MEDIJE

Direktoru dm BiH Damiru Šloselu uručena prestižna nagrada „Evropski najmenadžer i najkompanija“

Sarajevo, 4.7.2025. - Na 46. svečanoj ceremoniji dodjele nagrada Direkcije evropske nezavisne agencije za izbor i promociju najuspješnijih poslovnih ljudi i kompanija, održanoj 3. jula u Sarajevu, prestižno priznanje „Evropski najmenadžer i najkompanija“ dodijeljeno je Damiru Šloselu, direktoru kompanije dm drogerie markt BiH.

Ova međunarodno prepoznata nagrada već decenijama okuplja najuspješnije lidere i kompanije iz srednje i jugoistočne Evrope, a priznanja se dodjeljuju u nekoliko kategorija, uključujući ličnost godine, najministra, najgradonačelnika, najambasadora, te najmenadžera i najkompaniju u različitim oblastima poslovanja.

Kompanija dm BiH prepoznata je kao predvodnik u odgovornom poslovanju, s jasnim fokusom na čovjeka.

"U ime kompanije dm i u svoje osobno ime želim zahvaliti na nagradi 'Evropski najmenadžer i najkompanija'. Mi u dm-u vodimo se vizijom osnivača Götza W. Wernera koja kaže da preduzeća postoje radi ljudi, a ne obratno. Čovjeka i njegove potrebe stavljamo u središte svega što radimo, bio to kupac, zaposlenik, poslovni partner ili cjelokupna društvena zajednica u kojoj poslujemo. Ova nagrada za mene osobno i za nas kao kompaniju je dodatna motivacija da sinergijom i suradnjom, kroz ponudu proizvoda i usluga koja odgovara na potrebe naših kupaca, različite društveno odgovorne inicijative i kampanje, budemo pokretač pozitivnih promjena koje će oplemeniti potrebe naših sugrađana", kazao je Damir Šlosel, direktor dm BiH.

Najveći dio svog radnog vijeka Šlosel je proveo upravo u kompaniji dm. Najprije u Hrvatskoj, gdje je iz odjela Ekspanzije i došao u BiH, sudjelovao u otvaranju dm-a na ovom tržištu te nakon obnašanja funkcije izvršnog direktora, u 2013. godini postao direktorom dm-a BiH, na čijem se čelu i danas nalazi.

Kompanija dm u Bosni i Hercegovini zapošljava više od 1.200 ljudi, posluje u 48 gradova kroz 94 prodavnice i online shop, sa upravnim sjedištem i distribucijskim centrom u Sarajevu, te ostvaruje promet veći od 420 miliona KM godišnje. Kao vodeća drogerija na tržištu, dm nudi gotovo 14.000 proizvoda, među kojima se ističu dm robne marke.



dm je jedanaest puta ponio i titulu Najpoželjnijeg poslodavca u BiH, od čega devet puta zaredom, što potvrđuje njegovu dosljednu orijentaciju ka zaposlenicima. Pored regresa i 13. plate, dm zaposlenima omogućava redovne sistematske i stomatološke preglede, finansira razna stručna usavršavanja i obuke, nudi fleksibilno radno vrijeme, podržava roditelje kroz različite olakšice te kontinuirano radi na stvaranju radnog okruženja u kojem se njeguje poštovanje, razvoj i balans između privatnog i poslovnog života.

Ovakav pristup čini dm ne samo tržišnim liderom, već i primjerom odgovornog i savremenog poslodavca u bh. društvu.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 19 godina dm se sa više od 1.200 zaposlenika i 94 prodavnice u 48 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2023/24. dm je u Bosni i Hercegovini ostvario promet od 421,2 miliona KM. Asortiman dm-a obuhvata gotovo 14.000 proizvoda etabliranih svjetskih i domaćih proizvođača, među kojima je 31 dm robna marka kao što su Balea, alverde, Mivolis, trend !t up, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno jedanaest puta, od toga devet puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imeriji/saopstenja-za-medije>, a arhiva fotografija na <https://www.dm-drogeriemarkt.ba/pr-imeriji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba